



Synfocity = 925

mail us at : mzsynfo@gmail.com; mizoramsynod@gmail.com - Phone - 2314648

February 22, 2024

❑ **Missionary Tirh chhuah inkhawm**

February 18, 2024 (Pathianni) chawhnu dar 1:30 khan Leitan Kohhran Biak Inah Synod Mission Board hnuai thawk tur Missionary 33 (mipa 12, hmeichhia 21) tirh chhuah inkhawm neih a ni.

Tirh chhuah inkhawm hi Synod Mission Board Secretary Rev. R. Lalhmingangan a kaihrui a, Upa Lalṭahluna Ralte, Coordinator, Synod Mission Board-in Missionary tirh chhuahte inhmelhriattirna a nei a, Rev. R. Vanlalnghaka, Synod Moderator-in tirh chhuahna hun hmangin thuchah a sawi. Tirh chhuahte aiawhin K. Hringthanpuian thu tawi a sawi a. Rev. Dr. K. Lallawmzuala, Executive Secretary i/c Mission-in tirh chhuahte ṭawngṭaisakna hun a hmang. He inkhawmah hian kum 2024-a Missionary pension-a chhuahte hnenah Citation hlan a ni bawk.

Heng tirh chhuahte hi hetiang hian an hna tur ruat a ni:

Evangelist Teacher - 19
Evangelist - 13
Craft Teacher - 1

❑ **Synod Executive Committee (SEC) vawi 306-na**

February 20-22, 2024 chung hian Synod Executive Committee (SEC) vawi 306-na an ṭhu khawm a. Meeting hi Rev. R. Vanlalnghakan a kaihrui a, Rev. P.B. Mankima, Synod Secretary-in report a pe a, Rev. V.L. Luaia Hranleh hnen aṭangin Finance Officer report ngaihlak a ni bawk.

Secretary report-ah hian Synod Inkhawmpui vawi 100-na tuang taka neih a nih thu te, MCC lungphum phum a nih thu te, Synod Inkhawmpui vawi 100-nain a rel bawhzuia Pastor Bial thar hawn a nih thu te, Pastor leh Pro. Pastor Induction neih a nih thu te, Pro Pastor Orientation neih a nih thu te, Minister pali - Rev. T. Lalthantluanga, Rev. T.M. Thangzaliana, Revd. Dr. Chuaṭhuma leh Rev. Alfred Lalruatfela ten chatuan ram an pan thu te, B.D. zir tur lak thu te leh Synod Hospital Compound chhunga damlo kantute tan chawlhbuk sak leh hawn a nih thu te tarlan a ni. Tun ṭum meeting-ah hian thu pawimawh tak tak 62 a awm a ni.

❑ **KṬP General Conference vawi 60-na Diamond Jubilee Lungphun hawng**

February 16, 2024 (Inrinni) khan Youth Recreation Centre (YRC) hmuna KṬP General Conference vawi 60-na Diamond Jubilee puala Lungphun siam chu hawn a ni.

Lungphun hawna inkhawm hi Rev. Dr. F. Pachhunga, Leader Central KṬP-in a kaihrui a. Pu Lalruatfela, committee member-in lungphun buatsaih dan report a pe a, Rev. R. Vanlalnghaka, Synod Moderator-in lungphun hi a hawng a, Rev. Dr. K. Lallawmzuala, Executive Secretary-in thuchah a sawi. He Diamond Jubilee Lungphun buatsaih nan hian ₹ 3,15,000/- sen niin Modern Construction & Consultancy Services ten a thlawnin an design a ni.

❑ **Synod Mission Board**

◆ **Jharkhand Mission Field**

February 13, 2024 (Thawhlehi) khan belhtu thar pasarih an awm a, February 18, 2024 (Pathianni) khan belhtu thar pakhat a awm.

◆ **Zin**

February 21-March 5, 2024 chung hian Home Mission South-a Mission School hrang hrang tlawhin Pu K. Lallianzuala, Supervisor of Schools a kal.

❑ **Trust**

February 17, 2024 (Inrinni) khan Saipum Pastor Quarters hmun en felin Rev. C. Zoramawia, Senior Executive Secretary leh Upa Thangliankhuma, A.E te an kal.

❑ **Worship**

February 22, 2024 (Ningani) hian Champhaiah Zai hruaitu training neihpuin Pu H. Lalrinmawia, Senior Music Instructor a kal.

❑ **MSSU Day**

February 20, 2024 (Thawhlejni) kha MSSU Day a ni a. Zosap Missionary, Zosaphluia (D.E. Jones) khan Sunday School hmasa ber chu February 20, 1898-ah Aizawlah a neihpui a ni. A din tirh chuan Mission Bangla bula in chhe te, biak in leh sikul atana an hmanah chuan Pathianni apiangin Zosaphluia chuan chawhma lamin Khasi Kristiante Bible thu a zirtir a, chawhnu lamah Mizo Kristiante a zirtir leh a. Kum 1917 aţangin Mizoram Sunday School-te chuan Indian Sunday School Union (ISSU) hnuaiiah Pathian thu exam-na an nei ţan a ni.

Kristian hmasate chuan Pathianni chawhma inkhawm chu Bible chang sawi rual nan te, A AW B ziak leh chhiar zir nan te leh Pathian fakna hla zir ho nan te an hmang ţhin a. Naupang leh puitlingin a huhovin an zir mai ţhin a ni. Ziak leh chhiar thiam an duh avangin Sunday School-ah an inzirtir ţhin a. Mizo Kristian hmasaten ziak leh chhiar zirna atana Sunday School an hmang ang hian kum zabi 19-naah khan Wales ramah pawh Kristianten Sunday School chu ziak leh chhiar zir nan an lo hmang ve a, hma an sawnpui hle a ni.

2023 Sunday School inchhiarnaa a lan danin MSSU dinhmun tlangpui chu hetiang hi a ni -

Hotute	-	4820
Zirtirtu	-	53228
Zirlai	-	411484
Total	-	469532

2023 chhung khan kohhran leh bial hrang hrangah hetiang hian training neihpuiin an kal:

Khawpui chhung	-	53
Thingtlang Bial	-	30

❑ **Kohhran Hmeichhia**

February 24-25, 2024 chhung hian Bilkhawthlir Hmar Veng Bialah Leadership Training leh Kristian Chhungkaw Campaign nei turin Pi sailuti, Ex-Chairman leh committee member te, Pi Rosiamliani leh Pi Rengramthangi te an kal ang.

❑ **MSSU**

February 24, 2024 (Inrinni) hian Sunday School Zirtirtu training neihpui turin trainer-te hetiang hian an chhuak ang:

Salem Veng Kohhran	-	Upa K. Zoremsanga, Upa V. Lalrindika leh T. Upa B. Malsawmtluanga
Armed Veng South Kohhran	-	Upa Lalthanchhunga, Upa Zomuana Ralte leh Upa Lalrinawma Ralte
Ramhlun North Kohhran	-	Upa K. Vanlalnghaka, Upa Lalsiammawia Pachuau leh Upa H. Lalnginglova

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund aţangin hetiang hian chhawmdawl na pek a ni.

S.No	Khua/Veng	Pek chhan	Chhungkaw zat	Pek zat
1.	Sialsuk Hmunchung	Damlo	3	₹ 30,000/-
2.	Ramthar Tlangveng	Damlo	2	₹ 20,000/-
3.	Chalrang	Damlo	1	₹ 10,000/-
4.	Tualcheng	Damlo	1	₹ 10,000/-
5.	Kawrtethawveng	Damlo	1	₹ 10,000/-
			Belh khawm	₹ 80,000/-

❑ **Su Samachar Prasaran Programme :**

February 25, 2024 (Pathianni) 5:30 pm. :

Group/Choir/Solo	: Chanmari Kohhran Masihi Sangati - Mein Ankhein
Group/Choir/Solo	: Synod Mission Choir - Ye aaj ki sunhari
Sermon	: Rev. Lalhunthara
Group/Choir/Solo	: Dawrpui Vengthar Pastor Bial - Yesu Masih
Group/Choir/Solo	: Tanhril Pastor Bial Masihi Sangati - Mera Sahara

- ❑ **Hruaina Eng TV Programme**
 22.2.2024 (Ningani) 8:30 pm : Thupui Zir bing : Hun hnuhung thu - Sakawlh
 23.2.2024 (Zirtawpni) 5:00 pm : Kristian Naupang Pual
 24.2.2024 (Inrinni) 5:30 pm : Puitling Sunday School Zirlai
 25.2.2024 (Pathianni) 8:00 am : Weekly round up
 5:30 pm : Su Samachar Prasaran
 26.2.2024 (Thawhtanni) 8:30 pm : Hruaina Eng Luang chhuak
- ❑ **Moderator leh Executive Secretary-te Programme:**
Rev. R. Vanlalngbaka : Moderator
 February 24-25, 2024 Thenzawl Vengthlang Bial
 February 29-March 3, 2024 KTP General Conference hmanpui, Ngopa
Rev. C. Zoramawia : Senior Executive Secretary
 March 1-2, 2024 Bilkhawthlir Kohhran tlawh
Rev. V.L. Luaia Hranleh : Executive Secretary
 February 26-28, 2024 PCI Finance Committee, Shillong
 February 29, 2024 SL&PB meeting
Rev. Dr. K. Lallawmzuala : Executive Secretary
 February 27, 2024 Meeting with Rev. Dr. Andras, PC Wales
 February 28, 2024 Masihi Sangati Kendra Working Committee
 February 29-March 3, 2024 KTP General Conference hmanpui, Ngopa

PATHIAN THU ZIR DUH TAN

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

Admission Form : Office hun chhungin ₹ 10/- a lei theih a ni
 Dil hun chhung : April 26, 2024 (Zirtawpni) tlai dar 3:00 thleng
 Dil thei chin : Class VII pass, kum 16 chin, Kohhran dan chhunga awm
 Interview : April 30, 2024 (Thawhlehi) chawhma dar 10:00
 Class tan hun : May 6, 2024 (Thawhtanni)
 Zir hun chhung : May - August, 2024

Hrechiang duh tan Phone No. **8974613378/8296035491/9612174790**-ah zawhfiah theih a ni.

Sd/-
 Rev. Lalrinsanga
 Principal
 Presbyterian Bible School

**SIKULPUI (Mizo Medium, Mipa Sikul)
 NEW ADMISSION 2024 -2025**

Pawl 1-7 Admission Form lak chhuah theih hun February 27-March 5, 2024 (10:00 am – 2:00 pm)

Sd/-
 Headmaster
 Sikulpui
 9436152024/7085256477